

修訂日期: 2009/04/23 發行日期: 2009/5/9  
發行單位: 中華電子佛典協會 (CBETA) <http://www.cbeta.org>  
資料底本: 大正新脩大正藏經 Vol. 85, No. 2845  
原始資料: 蕭鎮國大德提供, 北美某大德提供

## No. 2845

### 押座文類

#### 維摩經押座文

頂禮上方香積世 是有妻兒眷屬徒 智力神通難可測 (念菩薩佛子)	妙喜如來化相身 心淨常修於梵行 手搖日月動須彌
我佛如來在菴園 長者身心歡喜了 (念菩薩佛子)	宣說甚深普集教 持其寶蓋詣如來
偏偏搖動布金雲鈴 直到菴園法會上 (佛子)	七寶雙雙香送遠 捧其寶蓋上如來
五百花蓋立其前 日月星辰皆總現 (佛子)	聖力合成為壹蓋 山河大地及龍宮
世界搖時寶蓋搖 一切十方諸淨土 (佛子)	世界動時動寶蓋動 三世如來悉現中
毘耶離國地中心 多出人賢性慈愍 (佛子)	寶樹光暉金璨爛 欠曾過去早修行
居士維摩眾中尊 親近無邊三世佛 (佛子)	十德圓明人所重 故號維摩長者身
五百聲聞皆被訶 更有光嚴彌勒眾 (佛子)	住相法空分所證 身心皆拜道徒中
不二真門性自融 示病室中而獨臥	只有維摩親證悟 廣談六品不思議

(佛子)

大聖牟尼悲願深 一一親呼十大眾  
皆曰不堪而問疾 唯有文殊千佛師

(佛子)

巍巍身動寶星宮 岌岌珠搖飛寶座  
八萬仙人香滿國 千千聖眾遍長空

(佛子)

請飯上方香積中 化座燈王師子吼  
盡到毘耶方丈室 作其佛事對弘揚

(佛子)

今晨擬說甚深經 惟願慈悲來至此  
聽眾聞經罪消滅 總證菩提法寶身

(佛子)

火宅茫茫何日休 五欲終招生死苦

(重述)

不似聽經求解脫 學佛修行能不能  
能者虔恭合掌著 經題名目唱將來

### 三身押坐文

常嗟多劫處輪迴 末法世中多障難 慚愧  
我世尊悲願重 唯留佛教在世間  
向娑婆世界作舟船 五濁劫中為導首 只  
是眾生惡業重 敬信之心大矚希  
見人造惡處強攢頭 聞道說經則伴不採  
今生少善不曾作 來世覓人身大矚難  
不知不覺大忙忙 不怕不驚長造罪 若不  
是者死王押頭著 准擬千年餘萬年  
今朝希過大乘經 似見優曇花一種 暫解  
聽聞微妙法 萬劫身中惡業消  
輪王髻寶此時逢 窮子衣珠今日得 十法  
行中行一行 六千功德用嚴身  
既能來至道場中 定是願聞微妙法 樂者  
一心合掌著 經題名字唱來

今朝法師說其真 坐下聽眾莫因修 念佛  
急手歸舍去 遲歸家中阿婆嗔

### 八指押坐文

始從兜率降人間 先向王宮示生相 九龍  
齊嘔香和水 爭洛蓮花葉上身  
聖主摩耶往後園 頻妃嫫女走樂喧 魚透  
碧波堪賞翫 無憂花色最宜觀  
無憂花樹葉敷榮 夫人彼中縵步行 舉手  
或攀枝餘葉 釋迦聖主神中生  
釋迦慈父降生來 還從左脇出身胎 九龍  
灑水早是祓 千輪足下有瑞蓮  
阿斯陀仙啟大王 太子瑞應□貞祥 不是  
尋常等閑事 必作箇菩提大法王  
前生與殿下結良緣 賤妾如今豈敢專 是  
日耶輸再三請 太子當時脫指環  
長曳不戀世榮華 厭患深宮為太子 捨却  
金輪七寶位 夜半逾城願出家  
六年苦行在山中 鳥獸同居為伴侶 長飢  
不食真修飯 麻麥將來便短終  
得證菩提樹下身 降伏眾魔成正覺 鷲領  
峯頭放毫相 鹿苑初度五俱輪  
先開有教益群情 次說空宗令悟解 後向  
靈山談妙法 益今利後不思議 (今晨擬說此甚深經。唯

願慈悲來至此聽眾聞經願罪滅消)

就中地是悲哀。暫到成南便不迴。侵晨行早尋沙逕。博暮休程傍求糧。憶兒母子應長料。應須會裏見如來。今日講經功德行。願因蓬便早歸來。就中此地是別離。每夜唯聞處處悲。借問因何懷悵惆。昨朝強賊捉余兒。孤貧臨老遭如此。啟告黃天願照之。儻令母子重相見。由如枯樹再生枝。弟子布施一索分難之時。願平美陪兒早出來久住令賤。

此方日沒西方照。莫道西沈日便無。此方入滅化餘方。莫道世尊真滅度。譬如長天有月被浮雲障翳不出來。身中有佛性甚分明。被業障覆藏都不現。欲長空月現先須要假細狂風。欲得身中佛性明事須勸聽大乘。從纔云被狂風吹散去。月影長空便出來。在聽甚深微妙法。身中佛性甚分明。一沾兩沾二沾雨。滅却衢中多少塵。一句兩句

大乘經。滅却身中多少罪。我擬請佛恐人坐。多時便擬說經。願不願者檢心掌待。

西方還有白銀臺。四眾聽法心總開。願聞法者合掌著。都講經題唱將來。

### 溫室經講唱押座文

頂禮上方大覺尊。歸命難思清淨眾。四智三身隨眾願。慈悲丈六釋迦文。百千萬劫作輪王。不樂王宮恩愛事。捨命捨身千萬劫。直至今身證菩提。生死海中久沈淪。不覺不知業力引。垢障消除今覩佛。光照三千世界中。毘耶離國有菴園。奈女還生奈花中。寶樹枝條光色好。非凡非聖化生身。祇域還從奈女生。妙通法術救眾生。能療眾病一切差。國稱之寶大醫王。父號祇婆慈愍賢。下針之疾立輕便。名高八國為長者。迴喪起死閻浮中。祇域思念牟尼尊。明□勅家俱詣佛。直到靈山法會上。請佛沐浴及凡僧。佛說七物各有功。不□祈願浴法身。香湯能淨凡聖眾。功德無量滿願中。今晨擬說甚深文。唯願慈悲來至此。聽眾聞經罪消滅。總證菩提法寶身。閻浮濁惡實堪悲。老病終朝長似醉。已捨喧求出離。端坐聽經能不能。能者虔恭合掌著。經題名字唱將來。